

集部

庫全書集部

雪樓集卷十四

詳校官中書臣羅錦森 侍讀 正孫球覆勘

校對官編修臣楊壽楠 騰録監生臣熊

總校官無吉士臣朱

鈴

煇

次ピリー THE STATE TE STATE OF **林村市** 雪樓集 CHEST 教の他物の THE PARTY 如政教何乃示以宫墙 年有能與祖豆之事視 書行春斯邑馬顧謂 始有人漢川其域也 程文海 撰

年春禮殿成深四十二尺廣加四尺崇殺十尺無列四 純相與從舊廟為講堂而作新廟至大元年秋吃役二 賢者然邑儒之籍户九耳是誠不易矣甫成而予以使 為工萬餘毅石六百絡楮四萬有奇皆取諸儒與富而 之制俾與色吏謀新之士寡而吏偷莫尸其事大德十 復來武昌孝純國珍率諸生來言曰今之库公之教也 齊中敞戟門庖庫內備繚以尺垣三千立櫺星門以出 年邑令鄭國惠君來士誦前言令慨然率邑教李孝

金人巴尼人司

文琐 火にり早たけ 忘馬令名政字舜卿董役者直學曹諤知書張至道林 之成孰愈歸而見賢令長士民試以斯言告之且識不 弗欽聲教與土同敷記于四海其可自鄙今爾今長士 令之功也不可不識敢告予語之曰邑於民最親教於 也令長士民益亦分任其事乎治化學業之成視棟宇 民務所尚先宜矣美矣然立教之基為學之地又有在 民最急學校若無與而實功也且重書相望下勸敢有 U 雪機集

武昌黄龍大比丘客印圖照長老作禮於白雪道人曰 金少山人人 黄龍佛殿記

我佛如來有大福德善知識是名静山居士常現宰官 於寶坊中湧出白金布施我佛如來常住十方諸善男 為供養願報國恩爾時持地菩薩心生讃歎顯大神力 身于我佛如來道場該持恭敬能捨難捨莊嚴種種以

子善女人聞是因緣悉發皈依三寶正智無有愛怪是 故我今志心增廣莊嚴我佛如來寶殿如大梵天宫於

次足四年全馬 一布有我於經藏樓閣堂房已曾授記今圓明寶殿欲就 過去現在未來衆生來此功德因緣悉得安穩快樂佛 我報恩大招提布有功德悉得圓滴佛事熾然我今發 中供養現世無量壽佛寶座祝願讃嘆我今思惟云何 願留一言亦復堅固如是道人曰善哉善哉長老成就 法住世亦復如是世世生生無有變壞諸若我今禮請 回向心一如居士所願乃至居士及諸大善知識乃至 切種種功德甚深微妙又不自貢高懼喜回向實為 雪樓集

是名大道場道人說是偈已十方三寶四衆惟喜證明 思 我又復來我應與佛有緣我令亦發大回向心資報國 金牙巴尼人言 汝説四句偈言我佛無所住亦無所不住無生滅增減 郡地窪風悍居者不免水火患水防矣猶厄於火至元 如我所說刻石奉行時至大二年某月其日 《非水火不生活及其為患也或使人不能生沙羨為 如居士如長老所願同心祝讃無有退轉我今為 武昌路觀音閣記

中天之臺子留數月融風军作父老又曰此官之賜也 欠三日草 白馬 上宰以降若僚屬若郡邑若士民咸欣賛其為今鬱攸 問之則曰先屋敞矣行省即中上禀下承力與是役自 夕而救至鲰息父老語予曰此大士之力也至大二年 二十七年長民者以父老之言構重屋於市中祀白衣 秋復以使事來則屋加崇而又廣望之峥嵘解絢勢如 大士而榮馬某項當詢飲於斯當其為患儆定或無虚 之變益少非賜而何遂請為之記予讀春秋凡火非人 **\*** 雪樓集

所致者皆書曰災獨哀公二年五月魯司鐸火延及桓 僖二官則亦書曰災寧非以守先君之廟桃而備豫不 或先事而備或事過而防觀其設施織悉具備然後命 嚴若此欲直書之則非為魯諱之義故寧曲筆遷就之 社被禳于四方然則禦災捍患之道自有次第先後也 耶傳者不知乃矯聖言誣天意且宋鄭當災矣其有司 敷丞相達爾罕公之在沙羨也别籍役徒千專以待途 穰于玄冥回禄用馬于四都祀盤庚命四鄉敬享大為

金分四月子言

若此是誠不可不記也雖然费棟之比如櫛倘徒敬神 呼喇美日格濟格右丞日幹魯參政日伊巴喇忻郎中 倖怙官賜而積薪不徙突決晏如一旦變生所忽則雖 徹縣鐘於高城望所起節鐘號召之故甫起救軟至今 遂俾刻為記省宰故丞相額森布哈平章曰程碼飛曰 人所當盡者固有在也可不慎哉父老其惟時教告之 化身干百億身各具手目干猶恐倉卒救有不速然則 禁祈之地又益嚴則夫先後旬宣於斯者成致心民事

欠こうことこう

雪樓集

金兵四府全書 大雄氏之宫布天下得地者什六七得人者什二三西 獨郭時可張德榮 喬憲而尸其事者即中布達實理也 熾馬自住之住是山也於今八年矣一年而僧堂改觀 多昔疎之與也益有記之者矣故予獨記雲住師之能 江之西之山之宫仰為大疎次之疎為近故子知疎為 曰王柔 曰必都喇小丹員外郎曰托里曰沙木斯迪音都事魏 二年而宫殿塗堅丹雘莊嚴像設供養之工畢舉三年 **疎山白雲禪寺修造記** 卷十三

欠己の事とら 者住曰未哉明年吾新香積矣又明年吾又新西堂矣 肖像萬身物二庫以豐財八年之間無日不事無事不 磑而屋橋之七年架萬歲閣八年閣成設飾咸具刻畫 有功然後祝堯之廷布金之地始淵麗廓大崇樂輝赫 作下院於撫州又作於金溪縣四年鑿山為園義桑鼓 居者過者無不生懽喜賛歎瞻仰尊敬心曰住真善住 力復取化城洲地六年又鑿山種柳株餘二萬役水春 桐蓺茶凡四千五年宰堵波小大之屋皆完新以其餘 雪樓集

金月口尼石量 誠有不能名之者矣今疎之燉也得人之效也記之而 亦宜先為之乎且佛固人也彼為刻躬閼性無暇於此 明年明年無量吾事亦無量於是山中之人皆驚且服 使繼之者繼之其所謂無量無量者非耶住番人也器 今學馬者既未能學其為又不為人之為則子於斯也 以為贍博也然以人而學佛之學則非人莫能為者毋 資尚書之胄也楚山上人之法子也大德六年山寂球 記其事夫佛之道非假宫室以為殊勝也非資田園

品以上序禁先世有熟勞於國而子孫官未至者錫異 誓於佛然則佛固許之且復訊之矣住蓋能於無所住 無人 年二月八日記 聞錫之璽書而為疎主遂自徑山來歸歸而以潔身自 而生其心者耶然則疎之熾也奚足為住言哉至大四 即位之明年改元皇慶懋官延賞澤流八荒百官七 () 球衆枚十十人於佛住獨吉再卜住又吉乃以上 承慶堂記

次足马事公島一

雪樓集

勞績致大官為時名臣所至以保生靈樹風節為已任 曾大父中奉大夫武備院使護軍諡忠惠大父資徳大 恩若寶源庫提舉渾源孫君指之祖考是已三月制 於廟集賢司直趙君克敬為作禄書名其堂曰承慶以 軍益文莊爵皆神川郡公其配皆郡夫人許既拜命白 夫中書右丞上護軍謚正憲父正奉大夫大司農上護 以函人受知太祖從軍征討得名位子繼孫承皆能者 一賜冬十有一月介趙君謁文於子按孫氏之先始

金少旦尼人門

卷十三

大臣四年人生 一 **惨馬戒其子弟為門户計不再世而家覆族夷及觀其** 感曾不少與若李英公輩依乘風雲勒功帝籍臨終倦 世也孰不欲光前而裕後而天之於人也善惡災祥之 故世稱數臣之家必曰孫氏慶之源遠矣夫人之於其 惡初替提點利器庫時喪制未行也丁父艱去官泣血 若孫氏者其無幾乎積之者既善而所以承之者亦不 惡之積子孫之賢不肖隨之形脩者影長聲大者響振 起家乃從奉盜人之所以遺其後者固自有本末哉善 雪楼集

賢子孫氏自忠惠以來把塵持節聯主疊組赫然照人 是心也以往何所不用其厚使孫氏之子孫常若忠惠 而未始一日舍先業又足以觀其所承者矣孟子曰函 今職嗚呼人亦孰不欲富貴哉其所存若此得不謂之 三年服除尚書省建又不願仕於是投間者七年乃拜 字和伯其弟兄子姪皆孝友克世其家云 人惟恐傷人矢人惟恐不傷人故擇術不可不慎也推 正憲文莊之世則斯堂也其慶可既乎弱哉其承之詣

金月口月白電

**歲縣壞至大元年春里長者黃君應瑞相橋下流勢少** 為石橋掘地丈餘得故橋株十數石佛像十有三乃故 七楹工凡六千五百貴緡萬五千有奇又為養其涯以 橋所也心獨喜經始於是年四月二十有六日落成於 殺謀遷之易族子田以立其址買晏氏山以磐其石更 臨筠之交鵠山之陽梁於瀾江之上曰昇平橋瀾迅急 明年三月八日脩丈十廣去其七高如廣之數上為屋 昇平橋記

たこうしき かはち

雪樓集

武來京師謁記曰此鄉民之志也且言君平生好義當 昔有結茅度蟻奪高第者黃所濟多矣黃固溶翁之苗 於上高之境為二橋曰新曰大許又鑿新喻檀嶺道數 者歌休者誦煙峯流泉獻狀增勝皇慶二年其諸孫允 祠石佛原道者守之配鄒出簪珥以相馬橋成之日行 **皆世常有之不拔一毛利天下啰啰曰我為善我為善** 里作各道傍以便蒙山之役者若此甚衆余觀萬金之 不過蹈土偶實巫覡求福田而已他弗知也黄其底乎

7

次定四車全書 一 陵劉會孟廣信李明通同登丞相江文清公之門有名 周之族盛於番咸淳進士名垕者其族之賢者也與廬 記 裔也盛德之門又沒以益之其大也必矣君年八十餘 嗚呼此亦鄉人之言也君何心馬書界允武歸刻於橋 之上君字國祥人即其居號之曰曉山老人云正月日 耳目聰明齒髮不衰子若孫皆謹愿為學未必非其報 致樂堂記 雪樓集

賢司直於是集賢大學士郭君名其堂曰致樂來謁余 皇有江南授同知廣州事不赴子應極字南翁又賢弱 記之夫為臣子之道忠與孝而已耳人有常言忠孝不 年奉母至京師又明年侍皇子説書月廪鎮其家選集 未待制翰林事上於春宫詔許迎養且勃有司禮遣明 錫類之仁使子事其若得兼養其親上之賜大矣而親 冠失怙事母孝謹宦遊四方乃心罔不在膝下大徳丁 可两全余則曰忠孝無二道也今天子以孝理天下推

大心的 社上的 孝之道非有二也南翁勉乎哉不然傳有之雖日用三 你不愧俯不作而後可以言忠忠之道備而後可以致 盡心馬耳矣必事其君能致其身必事其親能竭其力 **必恭於兄友于弟信於朋友居上而不驕為下而不悖** 馬而怠其事謂之養且不可況可致其樂耶忠之道何 之賜也可不盡忠乎忠以報於上者母之所以樂也食 其親之樂樂則孝在其中矣故孝者必忠忠者必孝忠 雪樓集

之樂奚而致也母豈不曰吾之子所以致養於我者上

皇慶二年春正月八日余過左司唐古公之廬環坊蕭 其友之意也南翁勉乎哉皇慶二年二月日記 姓之養猶為不孝也以子之賢且材如此何所不低吾 然有梅花一樹鳴琴在牀左圖右書余驚馬促席與余 猶云云爾者此天子之望其臣母之望其子賢者之望 言曰古人之所以為古人者何絕人遠甚遺言遺行具 在可效可師而卒奠之由何哉豈今不古若耶吾行古 遺音堂記

金月巴尼白電

他日出遺音堂三大字示余曰吾以此名左及野雲康 於虚入於寂鍋然而起杳然而止古之音寥寥不可聞 言哉公前與余言而忘之耶此遺音之說也夫音者出 公之堂且為書之奉賢見之歌詠君其記諸余曰余何 若耳提面命馬遺音從可知已夫廉公吾聞其人矣以 已可聞者非其遺言遺行乎考其言求其行若有聞馬 欠にり巨いいう 勲伐世家致位疑及政平恕行公清無貪娟無刻苛親 雪槌手

之道亦古人已而必曰古之人古之人乎哉余益驚馬

賢而下士方盛而已辭歸而友木石押魚鳥玩天地之 敬之公官學朔南謹敏博達由御史歷吏部佐省麗受 盈虚閱寒暑之往來泊然若無與於世得古人之高吾 音升吾懼夫聽者不識二公之趣而求古人於弦上 知天子進則竭心陳力以贊其治退則彈琴讀書以樂 古人之遺言行古人之遺行矣以遺音名康公之堂豈 吾天益與廉公齊心而擬迹易地則皆然者無幾能言 無意哉非公不知名此名非亷公不足稱此名也音乎

皆追封王夫人餘慶所鍾恭處有家夙夜凛凛無以報 乘而致處馬心稿慕之去年夏承韶祝釐五臺山還過 世之好一日謂余曰先王積徳累行竭心本朝天子聖 余寓居京城東北隅與今知樞密院開府公隣且有再 仁思念舊勲曾祖考以下皆追封泰安王曾祖此而下 くこううしこう 一 稱上恩奉先而裕後惟今世人求福慧利澤者必於佛 故次第其語而詳道之 應州覺與寺長明燈記 雪樓集

一多足四庫全書 哉子於佛書未深究然長明之理益可知已明者燈也 寺以續是燈之明子其為我記之雖布施之末不足以 繼燭不當如是燈乎遂捐白金五十两楮幣五百絡於 所感因念曰俾吾子孫世世克忠克孝母忝乃祖聯輝 所以長明者人也燈無不明而不繼之以膏則明熄矣 勤翰墨庶幾賴子之文昭吾之志於後耳子曰善哉善 應州造覺與寺向佛作禮仰見長明燈炯炯静照若有 人無不善而不繼之以徳則善熄矣若公祖孫顯融四

于父祖益遠而彌光如是燈之長明也公名額森特穆 也以是而報上奉先裕後可謂善矣公娶完顏氏甚賢 子小和尚福安等皆住兒吾又知其必能世守忠孝承 之善而續燈之明者是公之布施無窮而福德不可量 也因觸而感公既因燈之感而明夫善必又將感公之 世即是燈之明四世也由四世以至于百世繼之以德 可以上公之世馬大目非無見也待光而明心非無知 即是燈之明百世也善不可媳當如此燈矣推公之心

大三日年 山西

雪楼集

金月四月 白言 爾階開府儀同三司云 永新州醫學祭田記

國家仁民愛物無所不用其極天下郡縣建醫學置官

吏與儒學等醫有功於民甚大誠有國者所宜先昔人

方之相業可見已大德初王東野為吉安路永新州官 醫提領七年遷本路副提領至大四年赴調京師改臨

年之間三錫猪幣凡七千五百紹皇慶二年夏又命來 江未行徽政院使耀司徒薦其名興聖官命為太醫歲

欠足四年全事 一 賜買田五十畝入學奉春秋之祀還朝謁余記東野永 傳還江南迎妻子初為永新時手建廟學歲三月三日 供給之勞又當國家崇重之日益勵所學以擴其仁民 校以蠲誅求可謂不負矣嗟夫永新之學者既無公上 龍用凡所錫登不以仁妻子不以事緇黃惓惟買田鄉 課東野學不解而東野長好倉公之術遂稱良醫及被 新人也大父文信父慶隆皆有善行其祖母又賢日夜 九月九日有事於三皇唯取給醫家至是盡以所受上 雪樓集

佛鑒慧照净戒大師居杭州虎林山大明慶寺之三年 愛物之心此則東野之志而國家之望也凡吏於兹學 他薄致然與抑物成毀有數地隆替有時與嘻其甚矣 寺災既復且完大德癸卯復災師大懼曰豈余之道凉 者其亦勉之哉延祐改元二月朔記 且昔者三吳之士輸仁馳義曾不旋踵而重以愬之子 獨何心乃當私田之在越者率先走白行宣政院使張 虎林山大明慶寺重建佛殿記

寺僧子永莊嚴諸天梵相端儼妙麗如親示見於寧非 問公公亦發帑倡之於是効材薦貨者復四面而至歲 大正日里 白生 **丙午正殿成基隆於初構加於時俯仰陟降改觀動色** 與復為己任卒賴以振唯佛法之大固無待於傑棟廣 益大歲時百官度集祝聖人壽師名嗣良道行高峻多 佛慧大師者以律教焯於兹遂為國祠瓊場至我元而 師之强忍堅擊疇底是耶按寺肇於唐盛於宋景定有 遊天台為陽問居是寺凡再棄去再還遭寺存災乃以 雪樓集

金分せたと言 宇而非此無以致崇極寄瞻仰師曰是役也我執事之 求文於余謹書以記延祐改元月日記 士沈遵名曰快閣追黄太史庭堅繼至賦詩其上而閣 人亦惟勤哉不可以不記因集賢侍讀學士趙君孟順 鬱隘驚心怵目至是而山平川舒曠浪寒開躍然如龍 之名聞天下益自豫章海流五百餘里江盤峽東牽挽 **廬俊有閣最一郡之勝在太和東南城上邑令太常博** 太和州重脩快閣記

蛇之伸鵑鵬之息改而四顧快可知已邑為州官事繁 改作而侯以監察御史召留俸五百紹屬寓公高安尹 之為屋三重重十楹前為閣後祠太史中為煎休之堂 嚴用父成之已而即侯祐來議克合論材徵工撒而新 有所謂快者哉至大四年邦侯聖陰徒貳車楊學文議 **遊覧廢閣壞為既為驛為獄訟之庭旋葺旋毀豈復知** 欠已日 上二 天高水夏陽開陰倉禾黍滿野舟行如飛仙地之勝若 三年而畢弗巫弗徐屋加於舊而民弗與知登斯閣 雪樓集 ナセ

始闢馬明年高安之孫莊侍其諸兄威來京師以圖請 金好区居台言 ·黃之俾刻之石董是役者劉冲蕭佐延祐元年九月朔 記且道侯之政予雖未登兹閣竊為之一快告之曰州 至治之候乎知此則是閣之勝獨最於一 川雖勝而暇登覽乎哉於孝太和邑也而為州守尊而 民欲其自得益相須也民不自得求其治之至難已山 日太和至治之稱也閣曰快自得之謂也治欲其至而 親於下民下而敬乎上上下各安其素非自得之驗而 郡乎哉書以

火足口巨白 王去今千數百年民之思不泯非為今者之善鑒哉延 吳德建里門以表之子實益加藻麗馬介以記請嗟夫 皆有封號至元中封靈惠齊聖廣佑王皇慶二年居民 衛之沒有古衛城在其境廟於東北隅者漢崔府君祠 . سارا 言便宜開稻田數百頃民祀之至今廟屢廢鄉與累朝 也府君諱瑗字子玉順帝時以茂才為汲令居七年數 古衛城崔府君廟里門記 雪樓非

祐元年冬十有二月朔記 金片也几百言 婺源山萬壽靈順五菩薩廟記

龍守鄉郡弟元奎為邑宰復建之施田若干畝奉時祀 之累朝封號甚尊顯宋德祐元年燉於寇時里人汪元 五顯神莫知何所始在微之婺源吳楚聞越之間皆祀

口景福莊世祖既定天下禮百神奉香幣致祭至大四

年再煅元奎之子食廣東南政康訪司事良臣恭路治

中良屋首樹正殿東事獻貨幣門無樓觀庖庫之屬皆

皆出汪氏延祐元年賜廟額曰萬壽靈順五菩薩之廟 成馬肚麗宏大甲於郡初廟附智林寺寺亦再燬再構 飲定四車全書 一 神在國初元龍兄弟保民之功尤多仕皆至治中伯朝 靈効順海内所共聞而廟有再興之功汪氏為大不唯 寺曰萬壽之寺明年良臣請紀於石唯神赫変變化著 為記夏五月十五日廣平程某記 列大大仲奉直大夫良臣當為監察御史有能聲是 廬山重建廣福觀記 雪樓集 力力

像設而庫隘儉陋苟備棲息而已又百四十年為大德 記辛亥裒仁飲義彈慮畢力斬水絕谷伐石他山又大 知觀事王德脩首飭越國孟忠襄公珙所構道藏而更 七己冲和明素弘遠大師提舉觀事陳啓宗觀復大師 新之既成高明洞深邦邑改觀陳君復捐歲給之田四 廬山廣福觀古匡先生祠也宋南渡煅於李成之亂五 年道士王大成始建正殿其徒孫元道加堂庭門無 )撒兩無及賛拜之庭而崇之而殿益弗稱始丁未

蠡之濱虎溪之上相傳以為仙去人即其居而祠之山 樂之太守桓伊奪其地為東林西林寺選祠谷口唐開 以請按匡先生名續字子孝事周老明得其道廬於彭 教門高士揚州玄妙觀提點雷布復曰是不可以不紀 建管田以奉祠事宋治平中賜額壽聖觀後避高宗尊 元中的大其宫遣使致祭號曰仙廟南唐主割都昌劉 之得名曰廬曰匡以此晉惠遠法師東遊至虎溪顧而

次已四年之后

雪樓集

十畝若園果林百餘畝益觀之稍凝和冲妙學正法師

金人口及人門間 神仙之說聲自中古覽老明氏之書豈得已故秦漢之 靖明真君凡水旱疾疫無不禱禱無不應邦人賴之惟 號易以今名匡先生初號大明公建中靖國初封四極 君不務遠德廣為祠宇增場以致神人以求長生惠矣 復以彰神体以犯上釐雷若不蔽人之善皆可書遂為 後世月之又加侈之非滋惑與若匡先生既善其身又 之記 福其民歷二千餘歲猶祀之宜矣陳君王君竭志與

其有董仙之心益亦寡矣夫醫功莫大於濟人禍莫修 醫家者流率以董仙杏林為美談亦有以為稱號者求 杏山樂室記

故有左其藥以厚勞迁其藥以盈取以濟人之術而禍 故有峻其藥以急功多其藥以幸中能醫以病母其術 未精利之是嗜其禍可勝言哉今夫庸醫以病當其析 於欲利持濟人之術而有欲利之心然且不可笱術之

人皆欲利者之所為也盱江陳庚杏山醫三世矣子觀

欠三り馬 たよう

雪楼基

其室於今二十年矣醫二十年而鄉人信而用之如 心者數年方弱冠時鄉之儒先秋潭周君當以杏山表 |怵然有急人之容泊然無苟利之心其無乎有董仙之 |非心董仙之心然也今年春子苦末疾杏山來京師留 其為人質而不浮聽其言簡而不眩審其術信而有功 遠齊者益久且益嘉其為人故樂為之記且以弱其志 日留京師七年出為江西官醫提舉司都目人信用之 日積三十年之間名不少貶而家不益饒者得

金月日月五書

|云延祐二年秋七月既望廣平程某書於遠齊 楊氏先坐記

等為丘封之度與其樹數設官掌之漢律列侯墳高四 以辨貴賤定民志也聖天子以仁孝治天下加惠臣鄰 丈自是以降其制益明天禄辟邪之屬亦各有差等所 家古之初不封不樹中古墓而不墳成周之時始以爵

之政不其美與梁國楊文懿公之墓在大梁祥符縣魏

雪樓集

主



文已 里上







# 無有幽顯孝子慈孫之心咸翼然以奮鳴呼教孝勸忠











































醫院使侍禁中皇慶元年夏六月元直請歸脩治先人 將作院使伊納克傳古集賢大學士李謙為之文冬十有 至於表美道識立堂猶有俟也二子既受簡知至大三 陵鄉白榆村先是公之二子敬直元直遵禮經廣兆域 金グログノン 年秋七月韶推恩其祖禰明年夏四月又賜碑墓道遣 奉的唯謹明年春正月元直復泣請於與聖宫义不許 塚及樹所賜碑不許乞聽兄離職行事乃許敬直承恩 一月又加贈錫益時敬直以轉運使官两淮元直以太

嗟嘆息曰非盛徳之後能若是乎改作祠堂三楹秦國 壺以申救之明年三月壬子丞相身率僚佐共建劫賜 請至二十餘終不許曰爾為爾親吾為吾子孫也且爾 公李孟為榜曰致嚴擴未有銘集賢侍講學士趙孟頫 神道碑於墓右寓公鄉老及四方來觀者萬數莫不咨 相其役二月復遣刑部即中楊基賜河南丞相尚醖二 兄在豈必爾其命河南行省給費為爾成之元直曰以 公給私不可固辭從之乃賜楮幣萬五干緡仍督行省

火三日前

7.1.L.

雪樓集

嚴嚴遼遼極目前臨官道遇者疎瞻成曰此非教忠之 制又南去二百五十尺華表雙高國子祭酒劉賽題其 刻御史中丞都天挺之字曰楊氏先聲聲前石人獸如 銘之墓前有表參知政事賣釣書之墓南二丈有石門 計者六百餘以牆樹榆柳栢松數萬鬱鬱如屯雲翼翼 則鄂國公史弼書也中以畝計者十五垣以覽外以文 **衡頹曰梁國公神道有喝路左書曰大司徒梁國公墳** 原發祥之兆乎蓋是舉也金工石工木工土工凡六千

金月四月白書

钦定四車全書 一型 曰余聞仲尼之言封崇矣有若堂者有若防者有若覆 君上示子孫且辱知於子餘三十年矣其為我記之其 之宜而已故有其位有其財與其時君子莫不盡心馬 朝被遇两宫隆恩與數顏龍若此非勒之金石何以表 乃圖其成請記於所知程其曰兄弟幸賴先訓歷事累 人慎終之一節也君子不以天下儉其親聖人亦從事 夏屋者有若斧者合從於防從若斧者馬此足以觀聖 有奇其貴上賜之外竭家之有猶不足也冬敬直元直 雪樓集

宜而巴若楊氏兄弟之廉敏端惠孝友敬為其事君也 事親也生事葬祭咸致其誠則於事君事親之禮講之 者有傷其生無以為養死無以為禮聖人非之者適於 非以為汰也非以為觀美也所以勸也所以事君事親 嗚呼此忠臣孝子之事也至於改發人之善心使之思 外則于潘于宣而致其理内則夙夜在公而致其勤其 亦久矣宜能位並九卿澤及三世軌物備制遂其所俟 也昔有身為冢宰乃家廟之不管而祭於寢司寇劾之

九日日日日 資德大夫太醫院使掌醫卿延祐二年十月日記 夫江西等處行中書省參知政事元直昭文館大學士 念爾先不敬厥德其克永世哉文懿公諱澤字潤夫凡 再被贈恩陷回榮禄大夫官曰大司徒數曰柱國梁國 之謂乎是宜有記嗟夫楊氏之子子孫孫好怠好荒不 者又不知其幾何人也詩云孝子不匱永錫爾類其是 教子思立身以及於事君事親之本其得於觀感羡慕 其封文懿其諡也其行已載所賜碑敬直今為榮禄大 雪樓集

武周公之教於其地特易易馬耳世祖皇帝經營四方 金月四月百十日 明孰有外天地日月而能久其生者吾意有能復與文 況干里之近者子無他聖人之道與天地並立日月並 文莫盛於文武周公江漢遠矣其化猶存於小夫弱女 日不服給而聖人之道未始一日不在講求觀兵龍山 邠岐豐鎬之間周之故都也三代之文莫尚於周周之 魯齊書院記

首召河内許仲平先生衡入見先生亦首謂聖人之道

た己の野という 賢之用舍固各有其時也今天子以天縱之質繼列聖 復著益有是君必有是臣陰陽之消長日月之晦明聖 是聖人之道乍明世祖皇帝踐作先生又以其道入佐 之緒嚮用經祈尊禮儒先彬彬雍雅著者益彰而且廣 皇明施於天下卒能同文軌而致隆平由是聖人之道 赴雲流文事翕然以起其所成就皆足以出長入治由 為心可行嘉言篇論深契上心時自陝以西教道久廢 乃命先生提舉學事於是秦中庠序鼎與指紳縫掖川 雪楼集

史復來因請以先生從祀夫子且申前議乃有王氏欲 之前為夫子熊居之殿以顏子曾子子思孟子侍坐後 勸起前御史張崇推官李益匠府同知韓祐相與董成 斥居宅為之得前太子家今薛處敬賛其决士民承風 安嘗議建書院如他郡先賢故事不果後以西臺侍御 矣光聖後聖顧不同條而共費與先是雲中趙侯守長 為講堂左右列格物致知誠意正心四齊以張子厚先 生昔講道於横渠乃為室東偏合張許二先生而祀之

次已の車をち 續若朱子之立言使聖人之道復明於簡籍許先生之 奉韶而祐等請紀以文夫文者何也以西伯周公之聖 長思矣古音儒先自伊洛閩輔以來相望百年不絕而 而然與夫子不曰斯道而曰斯文學於此者亦可以深 院乃諭陕西省給田命官設禁如他書院故事有司既 不同及觀其効則彌闊而遂疏者何耶無亦文非其文 而止曰文令郡國校官往往而具宮居而師事者亦無 雪樓集

庫寢吃廐畢備屋凡若干楹事聞有說賜名曰魯齊書

金罗巴匠人 先生之於未子信其道從其言尊之為父師敬之如神 立事使聖人之道得見於設施皆所謂豪傑之士也觀 學有以當聖人之志建不朽之功可謂開物成務之材 矣詩云亹亹文王令聞不已聖祖有馬樂只君子那家 明嗚呼殆所謂雖無文王猶與者與終際昌時出其所 聖天子之教也所以使學者知所宗也所以志先生之 以尊先生者無不為也然非私也所以為道也所以廣 之基先生有馬侯於先生有慕用之誠而不能忘凡所

志而學先生之學者也一舉而衆美具馬可無述故侯 庭瑞嘗為吉林副總管站在其間以褒之嗚呼聖天子 力乎自今が雅之間郁郁乎復如文武周公之世吾猶 名世延字子敬今為資善大夫御史中丞斥居宅者王 書院昉近代視郡縣之學在昔為尤重非名足以厭時 有望延祐二年十有一月朔記 之欲化民成俗可謂誠且篤矣承學之士奚可以不自 東卷書院記 雪樓集

次已日草在雪

書院之設日加多其弊日加甚何也徒知假龍於有司 世漸靡法漸碌賢否並進義利易處其效始大壞近年 臣之目人薄有負郭之田足以支緩急而不求所以承 士渤海解君之構東養書院其立義獨不然其言曰國 論學足以任師道者弗與是選人才亦往往於是馬出 如今日者子幸賴先生之遺訓承文明之休運身列儒 朝以來中州之學自許文正公既没師道之不立未有 不知為教之大徒徇其名不求其實然耳翰林侍講學

澤一旦斬馬於聖人之世而已又何用假寵以溷我哉 弟之俊秀者擇師而教之母使吾那仁義之風詩書之 先裕後化民成俗之萬一乎吾將拂袖而歸率鄉里子 次定四車全書 良以治於外凡天子擇任華要君必與馬由集賢太常 藏書萬數千卷而君於書無不讀至元十三年記試天 而屬子記按解氏世以儒術起家歷宋金多名進士家 三入東觀再署詞於名與學濟德與位隆蓋數歷三十 下士君中首選由是階以入仕用廉勤以效於朝用循 雪樓集

金りでんとい 患矣故教者用其明學者保其聰教者循循馬而不知 之建既不隸於有司無勢以撓之歲時假給從已出無 利以羽之又必擇良師友而為之教則無死茸冗穢之 他日不取法於此耶書院在居第之東偏中樹高堂為 其所化學者充充馬而不知其所得嗚呼使天下之學 至年未耄老而退然方求為干載之計不亦善乎書院 有餘歲矣其位也方殿殿而未已而學也方勉勉如未 羣書之府翼以東西序為師友講習之地吭以重門為

久已日東公馬 一 節亨字安卿東養亦其自號云 請也大川三百支川三干憑依為變化禍福者往往而 謝宗壽為端惠靈濟真人賜號曰溥濟之廟從有司之 有考論其最莫江湖若也南方之湖洞庭為大洞庭之 内外之别中庭陰以松栢冬夏青青自延祐元年之冬 延祐三年記封臨江路中聖洲洞庭行祠故焚修道師 至二年之秋其經始落成之歲月也屋凡若干楹君名 溥濟廟記 雪楼集

金万巴尼白雪 神君山為大則湘君湘夫人之神今余不得而知之矣 昌邑山則中聖之自也子弱冠行乎四方今老矣亦船 所脩習者震耀出没其間人之視之如在其上其左右 彭蠡之逼而有洞庭之祠者川行之人無所不畏敬則 風波之上亦屢矣當以為福善禍活天之道也行險而 於白沙江口今為九江乎惠真人謝楊之弟子也著於 由是楊謝之功用日著而洞庭行祠曼衍四布矣楊著 無所不崇事也且神既神矣況又有異人者出而以其

次已日日 公馬 聰明正直之謂神者亦豈矯造化者足以為之哉然則 出於風波之外者乎是宜錫之璽書踏之典祀而恒為 彼之所修習者予雖不能知若其功用之所被雖余亦 致命若是之侈哉嗚呼山川鬼神其母忘諸 以有司之請非遇聖天子勤恤民隱之至抑烏能延恩 民福也雖然川澤之氣孰非能神今以謝君之靈又濟 有時而利賴之矣況欲賜而賜欲雨而雨樂災捍患有 不失其正人之道也子雖守聖人之訓聽造化之權則 雪梅集 幸

自名早疎世事近者架樓於屋西字以宜遠子曰記有 金月口尼石里 然即其處棲者遠則自處於寬閉擴埌之野可知惜予 子得請南歸宗人琦来送因與問語琦曰吾父以野處 天之奢蒼其正色耶其視下也亦若是而已惟山亦然 不得相與登臨觴詠其間也且宜遠者非謂山乎子寫 知高明眺望之為快哉予不知君家公言論風旨何若 之君子居高明遠眺望自非冲襟逸韻中無柴棘亦孰 宜遠樓記

琦曰公之言可因為斯樓記予曰可 並列者皆風斯下矣然則山之為物信外遠而後宜耶 章南望翠筆類然於天末其去之也猶將四百里也然 於肝之上南踰百里有筆峯馬不知其幾千仞然自豫 下視之者及去之益遠則望之愈高攬之益秀而向之 一其隣峯則見諸峯並列尊卑巧拙不能相遇也或返

九二丁甲八二百

.

雪樓集

雪樓集卷十三		多只四月全書
三		
		卷十三

火之の巨人流方 一 遷貨殖班固地理之所載其風不一也而一於詩見之 俗可知已故曰詩可以觀當時所謂詩盖民間所作也 古者至於是那也必觀其詩觀其詩則是那之土物習 詩所以觀民風凡五方九州十二野如禹貢職方司馬 欽定四庫全書 雪樓集卷十四 序 王寅夫詩序 3] 雪樓集 程文海 撰

行等篇山川風景一一如畫速今猶可想見他詩所詠 雖欲不作可乎哉繼風騷而詩者莫昌於子美秦蜀紀 非民間詩也然九歌可以觀楚俗之鬼天問可以觀楚 陳靈以後無風則民間不復詩矣民不復詩而欲知 騷十而七八 也則夫民間不復有詩之後士大夫之詩 祀之淫芳草嘉植楚産之名于山海經草木疏者觀之 方之風者其何觀風再變而為騷騷固楚大夫之作而 一時事物之實謂之詩史信然後之才氣筆力 四

金月四月在書

宜靡不曲盡未數月而成性好事者将以刻之梓関人 所見滂沛行溢而為詩不能自禁也天時地氣民俗物 京師渡江而南履越之絕徼走數千里足之所經目之 土風之為何如詩之可以觀未有過於二公者也今禮 部王君寅大酷嗜坡詩隱甚似而幾矣去年冬被命繇 邵光大以子常與寅夫相倡和也請為之序引予方觀 其平生遊覽經行及海南諸詩使讀之者真能知當時 可以追蹤子美馳騁蹦籍而不困憊在宋惟子瞻一人

次已日草 在十二

香樓集

金月日月日 某序 聖天子嗣位之二年記以丞相東平公之子萬户公參 而觀之其亦可以補聞風之闕至元甲午立夏廣平程 采也久矣寅夫歸以其所自作藏諸禮官之府他日陳 則雖未適関亦可知其概也喜而為之書抑古者六詩 九夏幽雅幽頌凡詩皆掌於禮官之屬民問詩無復可 風於開閩之土物習俗惟懼夫知之有未悉得寅夫詩 一賜特移爾參政海青詩序

大己口目之事 事情! 亦越參政公追配于前人光以今所賜合而圖之侈上 帝嘉乃續開省江淮賜海東青四翰死諸公播之歌頌 錫指現戈以在罷費未有以精剛擊搏之禽比德而況 恩昭世美曠代之祭也在昔諸侯宣力王室形号盧矢 福建等處行中書省政事賜海東青二勸忠也七関為 功者少與氏以爽鳩名官方斯多馬惟世祖皇帝嘉惠 祖皇帝英明神武混一六合時則有若先正左右宅師 東平公賜履之地錫命象賢績戎南服報功也欽惟世

金分口四人言 僕遭際天朝得以末技出入清邃去家数千里而遠客 懿實當是賜天地貞觀明良相逢待敷盛哉小臣程某 煌煌先正殿南邦有子重來憩舊棠鐵券丹書藏漢府 謹拜手稽首而作詩曰 勲臣惟大徳天子祇適先志亦惟東平公一家父子之 却笑磻溪慳遇合馘黄項搞始鷹揚 介主亦舄啓韓疆熱禽軒為歸圖畫好爵駢番拜龍光 楊彦寬御史心遠堂詩序

京師築室於北城之北又遠馬因名其齊曰遠及來聞 一在目將為書識之名曰四遠志無幾太史公自叙之 望逐齊則遠益甚監察御史教丘楊君彦寬将旨詳獻 意云爾抑此其迹也若夫周行而心問間一室而心萬 問其義君曰吾驅馳王事熊雲之北嶺海之南閩學之 **舜節之暇名其所居之堂曰心遠俾書扁且徵鄙語請** 里今人與居而神遊干載之上是則吾之所謂遠者然 限皆至馬非遠子他日歸優息堂上感念平生遊歷!

次足四車全事 原

雪楼集

多少日月台門 堂意云何輾轉生議擬飛鴻碧天外我夢方隱几平生 端居對爐熏宇宙腔子裏皇皇求仁義直面隔千里名 **捻於三山校官潘景大與諸生共賦之** 所周遊北戒達南紀山川渺無際歷歷在馬鐘作書志 為近何也余矍然白子不云乎未之思也夫何遠之有 而問閱萬里念之即到聖賢千載想之斯存則又見其 四遠壁上掛雙履客來勿與言請自喻其旨感君語超 君言近古遠犂然有當於余心者遂叙其事繁之以詩

請我意亦復爾班荆談未了王事起行李坡陀路漫漫 霜霰寒靡靡念君何當從推枕夕九起相期在干載室 遠人伊爾

送黄濟川亭

清談之風頹靡壞爛至於宋之季極矣窮則變敞則新 功之實文儒輕介胃高科歐州縣清流耻錢穀治治晉 數十年來士大夫以標致自高以文雅相尚無意乎事

次已日華在馬

7

雪樓集

固然之理也國朝合衆智羣力壹字內自完庫達於字

輔莫不以實才能立實事功而清談無所用於時若吾 長當路者奇之俾攝郡文學設施注措異於腐儒識者 盱江黄君濟川以殷之士而用於周其通才脩能有今 嚴乎他者不能以奉上刻者不能以安下往往而敗也 固知君之才非可以間官散職拘也未幾到上尹武岡 之實無昔之虚所謂應時而特起者也始為肝江書院 君至官之日進其民與之約上命首如是必如是應它 新寧縣新寧俗雜搖孫寬縱羈縻猶不易治況徵令之

金好也是有量

之平天下於理財一事甚該悉也而士大夫顧不屑為 一 政華要赴部乃取龍與在官以歸六典之經邦國大學 溢願借留者雜沓至遇之莫可於是聲實旁流譽者交 惠既於下而孚公勤亦於上而者觀風者入境讃誦洋 直度其不能而不敢耳說曰清流以掩 其不才之羞此 相背質事無不辨集民無不歡悦者視君如慈父母信 口薦者交章省臺以君政績為色課最秩満咸謂君且 毫不汝動民感其誠唯唯而退後竟如約官民兩不

次ピの事を与し

雪楼集

盖難其人新寧之民非止干室之無也會府之財非止 者猶或不得已其能洗濯自奮慨慷自試如君者幾何 者一緊選而加優馬勸人以事功之實如此也而為之 清談之所以誤晉尚忍言之哉近制錢穀官與司民社 也而君之才豈但於治民理財為可哉試於其小固將 試於其大君行矣吾又當有以贈君 百乘之富也君前於治民而可則今於理財吾知其可 夫宰千室之邑與百乘之家一以治民一以理財聖門

在でクロでんといい

次足の軍とい 虚口談仁義通儒固所羞是間惟爾可券外豈子求出 漢相與即起噫孰使余欣然於風波之上者非此豪也 往隔千載與古人相見向者遣教余以其詩文一編曰 即詩不古久矣自非情其情而味其味則東離南山衆 江東豪挹其風味如在疎齊時也余構以自隨汎舟江 **疎省意尚清拔深造絕詣榮榮不羈故其近古輯辭往** 淤紅蓮淨經寒翠竹修晶哉須遠業古有濟川舟 盧疎齊江東豪引 雪樓集

金与口及石雪 |業雙稻出其中如弟昆如古丈夫冠服並立若有所待 殊不疎今又弭節騷國抑尚有起予者半藁還因以訊 家物色森戟凝香尋常富貴於陶韋乎何取疎翁於此 大德四年秋余之官沙羡既至得老屋數楹於黄鵠山 余意升高可以見遠而未暇也風霜益清使事益有緒 下以居居數日旁出而後望則茶馬坡晚糞壤榴翳之 **歳寒亭詩序** 

謀矣然既月而址始平又月而茅竹僅集烏街鵲構未 然雲煙在下凡西南可覽者無不獻狀自是亭與心目 喜氣余戲語坐客曰黃鶴歸於此乎數當名數鶴客延 意韻此雄蒼顏點白相對增媚無亭既成有亦設謖有 就而天大雪起視則并水無小大方僵立受雪獨雙栢 次足四年 全馬 雪中語不云乎嚴寒然後知松栢之後凋歲寒何如余 目久之曰無鶴有福耳之二相者待公已久亭又成於 雪樓集

退食之餘試命僮奴刻除蕪穢求一徑以上則江湖港

|亭草創不數号材工弗良覆又不以及其能與爾相壽 喟然曰善雖然無此君無以相之遂益種以竹而題 之有所待與否余亦不得而知之獨念其蔚乎相扶於 寒亭長乎是又不得而知之系之以詩曰 以老乃一題追於余是亦可念已余既念之深又念吾 顏曰歲寒噫雨露亦勤矣其閱歷之久近余不得而知 於無窮耶噫亭朽不可相無也繕完封殖後日誰非歲 朝菌之墟贯四時而不改又幸斧斤之優逃得至於長

金グロたるる

欠こうましょう 亦苦心紅紫聊合并時拼一日費買植數寸的芳菲信 相見白玉京吾詩亦贅耳此君在前祭十二月十八日 酒酬天風雙柄適有聲峥嵘首陽姿愧此盡率情念爾 會心不在遠數步江漢明開荒豈不勞我僕汗且顏把 廣平程某書是日也乃立春積雪滿庭 何王事固有程尚堅歲寒意永與雙眼青他時两蒼龍 可翫摇落亦足驚不如翳把茅隱几觀平生徘徊能鈴 揭曼碩詩引 雪樓集

能小之然或專志於是而忘其身或務以驕人至丧心 成月乃能精而况古者列六經之文乎未可以一技 豐城壞與撫接多師甘君予識其言久今年坐暑黃鵠 臨川以二謝故為詩鄉往或為余言東溪甘君者善鳴 自敗則又一技一能之不若揭君其慎之哉非予喜弗 夫一枝一能雖甚鄙且賤亦皆有所本亦必疲精力涉 因憶前語為停筆讀數解清風與俱喜曰人言益不妄 山有示子詩一編曰豐城揭曼碩作也子聞為豐城人

多定四庫全書

人巴马里 江南 冠火三日不滅 儿異時遥瞻仰指敬嘆不容口者一旦 崇祀然具文書而已於是子孫或徙或亡其猶環居故 元二十三年予将古東南因喻有司以先賢之里宜加 如雲收氣散莫可追摹獨石刻道義里與表堠故在至 馬名遂聞天下家益蕃熾幾五百房又五世而煅於鄰 青田陸氏異時名聞江南義居五世而象山文安公出 及此言其戒之哉或曰揭故廣昌徒也予又喜 送陸如山歸青田創先祠序 -雪樓集

患也予盖以南陽之屋知之夫南陽子所見也豈悠悠 誦之音力甚弱而事甚難抑其志可尚已重研來野求 址者飢寒顛沛不能皆賢象山之基幾易姓矣不謂飢 金为口居石書 且且調筆墨所能成哉今子以匹夫而欲謀百堵之室 書其顏於是進而告之曰議論多而事功少儒者之通 無可奈何且謀建祠堂以杜豪奪之想建孔廟以嗣終 寒顛沛之中有如山父子者猶能自奮於義不肯委之 片楮而欲集不貨之財余深懼其議論多而事功少也 卷十 四

大旦日本社与 多而事功少未可謂通患也他日東歸當酌酒新祠且 義以告之皇皇然恤恤然其將無惻然而慨然者乎使 雖然義路也惟君子能由是路使子能修禮以親之陳 又能勤篤如布福之長者堅忍如發願之沙門弗為則 謝予言之過 斯謂之為人子孫也已謂之大賢之後也已然則議論 已弗成弗止文安有靈亦公曰子有後弗棄基夫如是 雙峯先生文集序 雪樓集

|孝饒先生最晚出徒得從其高第弟子游乃獨泳澤窮 定標本察虚實按而用之無難馬而猶云方多效少者 稱專門戶以為高将辭說以為達若存亡愚智交病雙 家度其書歸而求之有餘矣而拘者東章句虚者掠聲 非方之罪也理學至伊洛而大明逮考亭而益精學者 也僕不肖少獲事嚴庵程先生知雙奉之學為詳益一 源抉根披枝共派而分流異出而同歸廓然煩然於此

金児口尼ノニー

書者修齊治平之方也聖作明述的的具存猶之於醫

火已日上上十二 學如此嗟夫士誠不可不尚志也後生可畏詎不信然 學甚早力棄場屋尋師取友刻意斯文故卒成一家之 書顧待子而發哉獨念前董典刑漸落後生聞見之外 先生之志同其造詣亦同今觀雙奉之於言抑何其富 好德之士有能刊而布之四方則後之學者雖不幸而 誦詩讀書而不知其人可乎因為序其梗概益雙奉慕 也大道之不明非書之不多若雙峯之書政患其未多 耳其子轍抱以示子凡若干卷且求言以發夫雙奉之 雪樓集

金分口是台言 節婦智夫人劉氏之家清苑郭君安道又為求予言夫 予既為南陽智君仲謙書其在表十二字曰貞節坊曰 十年如一日而夫人之愛猶髮戲時也當路諸公敬而 不遇親發樂馬而得是書讀之其亦無乎不終病也已 夫人壽康安與就禄忻忻融融無遠弗届仲謙之孝四 以詩書長而宦學有聞家日以盛今仲節年瑜强仕而 人者仲謙之母也少而嫠居仲謙甫髫此夫人杜門教 南陽智夫人劉氏貞節詩序

城便從事如律夫夫夫婦婦人道之常故曰舜倫又曰 慕之為請於朝乃命在表其門於是中書報外省下屬 次定四車全事 天而為人者在是也載籍備矣易象論家人獨首曰利 **蚤世子不得而知之然因夫人之節疑其平生修身以** 火而不肯踐二姓之庭者其心豈異於人哉夫人之夫 家與我所係而必修身以為之本馬耳故世有寧蹈水 天倫是以古之王者建國君民教學為先誠以人得於 女貞爻義取於正家有嘻嘻失節之戒蓋謂相内者一 雪樓集

道相敬如賔所以刑于家者有素故没雖不盡其年而 被背義失身者豈必待其人之身後哉今也不以一死 在子之何如嗟夫使不幸而短折者得配如夫人何必 正也正位乎内之常道也宣無他人而傳之與否是又 存者政未文也則夫夫人之德固有所本而然歟雖然 生者怡愉於高堂逝者亦無憾於九京矣子益為之三 托孤於其友幸而有子如仲謙則立身揚名以顯父母 一生異其心乃出於血氣未定之女子可不謂貞乎貞

次定四車全書 三從義甚明干載事殊少南陽智夫人此志獨能了當 嘆因又為詩一章以遺仲謙請歌以為太夫人壽 詩當清醥 媚媚如風條升堂仍未卜住氣瞻縹鄉請壽太夫人新 化有命建華表恩重子孫祭門高嵩華小獨慚吾筆弱 潘與日月光皎皎斑衣儿堂春金章公府晚皇心在美 高復下竟得出深切清風梧竹間鸞鵠正輕矯扶迎上 其東節初遺孤一何貌緬思身世事前路極繚繞气气 雪梅集

古郢向丈省之者余季义内翰西渠公己卯同貢進士 送向省吾序

也襄陽歸國朝君攝其郡文學楊裒拾祖豆整比書詩 十七年而残者完無者有廢者舉規穀之下若緇惟之 三招諸生而三沐熏之以事夫子於垝垣智井之間居

林然由是諸公貴人関其勤敬其志交口為之得新喻

州博士道經沙美不鄙左顧噫君故儒冠乎僕致齒時

識君名氏於膀帖既壯識君譽處於西南士大夫而季

富退之亦不失來下澤稱循良而今故儒冠乎夫君不 父捐館舍二十有一年矣及來荆部訪問己卯同升諸 君落落一二意謂如君者進之則已結腳横金既貴且 難於襄顧難於新喻乎今人幻而學之肚而弗得行則 人人如君固夫子所望於天下後世者然則其忠於為 以傳不習日省其身如君者可謂能傳而能習之矣使 太息其誤耳甚則裂而棄之耳孰有能如君者乎曾子 人信於交友蓋不占有孚也故因君之字而敬易君之

次定四車全書 一

- 雪樓集

號曰省吾且為詩一章以代稿帶鄉先董楚山王君率 金グモノイニ 同文諸公詠歌以壯其行俾子為序夫新喻文獻之鄉 至元丁亥余以侍御史奉詔求賢馳驛至杭衆言范君 者英幸甚倫魁在鄉校胡寧金玉音 吾道多艱見盛心定有諸生碑見首政須名士樹鄉林 媚媚風生楚户砧幾年相望愧相尋君家大耐留真譜 也倫魁所寄先生歸然為今壽俊其為問訊馬 送范晋教授江陵序

時文之賢余因薦於朝時范君諸子侍父旦暮來<u>追</u>麟 身關即接武以進予驚日於莊固在乎日其仲子也年 未知何如也大徳王寅孟夏之月余方坐雨黃鵠山下 佐憲府自爾契間不四三年而聞范君没難難詵詵者 角鳳毛難難說說皆不失家法余既入奏范君由是連 次包里在雪 若何四十一矣斯為誰仲子之子也二十二矣嘻子至 乃有二士踵門俾僮奴問馬曰杭范也延之而望之長 抗時范若未老仲子弱冠其孫甫勝衣别半世而未老 雪樓集

齒髮蓋可知已人生真能幾何窮達短長皆聽命於造 金児口尼八門 者不復可見可見者嚴嚴中歲切者亦提然成人余之 皆為郡博士而見余於武昌者江陵教授晉也晉字誠 物而造物又不足恃其可恃者政在我而或者又拾而 之綽有父風故余初見而驚以為葯莊不死夫死不死 此亦足現其平生矣益范君起家儒業博惠好修好交 四方名士又能來諸子以詩禮故身雖没而猶存諸子 不為則雖生世千百載亦復何有今范君有子若孫如 卷十

次定四車全雪 載問津聖賢異時余再見之豈止曰药莊猶在哉 稱多士麗澤之數也慎擇而淡交博聞而約取尚友干 不心計也的生者不能生其生則死者誠死矣荆州古 去無繼黃鵠雖朝夕近眼然亦伯仲也突兀穹隆岌為 江北曰大别招於湖外曰八分皆草木荒寒來無因而 郡脊城郭宫府蟻附之憲府獨坐其脅予與清死郭君 沙羨當江漢之匯四顧平學曼行積水空曠山則借於 送食憲郭安道遷部江西序 雪楼集

職慶部江西夫江西固山水之聚子郢人也適彼土雖 物風俗之基也今沙美之山若此君歲時将指以出若 安道間常相語以為山者仁人之所樂而或者以為 鼎辰沅澧沔岳之山亦異於此乎未幾安道以奉使稱 覘人言之信否也且彼自南州高士而下至於歐曾王 環所部所謂清麗秀偉者當悉獻狀子固欲因安道而 有年而官牒驅馳席未媛朝去登臨将觀之事甚鮮然 談山水清麗秀偉者咸曰西江今安道來躬寒惟轍

金少巴尼

次 里山車全書 哉抑又聞之山若增而高水若關而廣信斯言也是山 黃書聲至今不絕果清麗秀偉者基之乎登臨将觀雖 山川賀且將為人物風俗賀也麻源第三谷有書室馬 既已大稱厥職矣移之於彼直易易馬耳子固未暇為 非父老之所願望羅列所見象伍所聞其亦有以教我 疾苦江西往往皆山安道不憚遐且險而幸一至馬庸 非使者事亦惟山與水涯杖優幽隱乃得近民而悉其 政有待於人今顧以人物風俗青之可乎安道於此 雪樓集

幾十百所逢披凡幾十萬人一旦拔而立於一州奉士 予又寄聲為山靈質 之上匡坐而臨之北面而事之是可謂身之達而未可 謂達矣然道不能以自達而達之在人今國家郡邑凡 謂道之達也古者政教不分今則各有攸職言政者或 不及教言教者未始一日可無政也政者正也身非 故之宫必嚴祀典一卷之書必崇師道夫子之道可 送虞德常序

學之正乎德常家有相譜義方之訓素明不忠無以教 欧芝四草全書 人 聞龍陽昔有木奴頭干其人争相傳以治生為俗以治 亦不患無以為學之政惟毋以易心處之斯可矣且吾 書吏有米芾者從余湖右三年矣承臺命将舉而進之 懋戒之哉 者何如耳今學校之弊滋甚子常言之子常聞之尚其 生為俗則既庶且富教之有其基矣在吾所以達其道 送朱芾序 雪樓集

自歩した ノー 章甫逢掖之後也辱教而誨之今兹有行斬一言以終 詩而後有序序先詩非古也子其求詩序無難者乃再 余何愛一言昔在西都厭馬上而刀筆刀筆厭而儒生 身非以為努也余曰嘻子吏也誠有意於儒者之事數 察院袖巨軸顧序其顧將以謁諸公贈行之詩余謂有 笑不得已求寫行孝謹如萬石君者得其二子馬尊顯 盡能百家之言獨與儒者共治卒之多文少質為天下 拜曰芾之事公也非若世之吏於官也以其當從事於

者自是絀矣夫孝謹天下之善行儒者之常事而未足 以盡儒者也儒者不及而他人及之儒者有餘責矣然 之以風中外雖齊魯質行諸儒亦自以為不及也而儒 欠戶四年全等 一 書事朱墨子而能畫儒者子抑子既號為儒矣踰職分 斯而已乎夫儒者之功用未易以一言盡顧子方抱文 幸也苟禄俸累月日隨羣而入逐隊而趙儒乎儒乎如 矣吏之不儒也久矣吏不儒吾無責於吏也儒而吏吏 而西都所用而可笑者果儒者乎嗟夫世之非儒也舊 雪樓集 Ŧ

金グロガ と言 哉予將觀子矣其母為為行孝謹者所勝則幸甚予素 害某可某否止者必止行者必行長未知則告之告而 者謀及乃心曰此公也此私也此理也此法也共利某 長其共而職至一所遇一事則必参以平日之所以學 行胸臆作威福常吏之所可虞者吾不虞子矣其佐而 餐之尤者也念無以進子者因子之求其言也書此以 雖未有以完夫大用之儒其不有以稍别於尋常之吏 未信則宛曲而道之期於合吾之所以學者而后已則

大德六年冬中除湖廣行省都事續君為監察御史聞 贈 鋤 之者咸曰真御史也古有所謂真御史矣或批逆鱗或 大好衆不敢為而獨為之故莫不犁然心服而謂之 送續好古赴監察御史序

日真御史今朝廷之命續君也人初聞之而君亦始受

次足四車全書

. 雪楼 非

獨御史哉世有德不足以居才不足以行而徒位民上

之威言然者何廣平程甚曰然是可以為御史矣抑豈

イングし 是皆非所宜得與私取而陰據之者無異也故臧文仲 聞續君據於臺無異言據於省無貶論遙於字屬聽聽 為魯大夫夫子猶謂之竊位人心雖如其面而是非則 亦無所不言言者御史所得專也行其言非御史所得 舉能其官而況乎御史御史於事當無所不通故於事 聞强識而讓敦善行而不怠續君其庶幾乎凡百執事 馬益其明足以照而不好清足以肅而不激記有之博 公識與不識如出一人馬有非內交耍譽而得之者吾 凹

知其自期於古之真御史矣將鳴朝陽子亦喜而不寐 專也噫其不必行而不言豈稱位者哉續君字好古吾 於其行書以識別 孔子曰仕而優則學予觀仇君信卿其優而能學者歟 送憲幕仇信卿赴臺掾序

次定四車全書 一

雪樓集

心馬退食相從則必以攻過為請予初不見信卿之過

者厥既此來慕得賢佐精神意慮之所至無不悃悃盡

信卿出入風憲垂二十年子承之南臺時已有誦其材

白り口 賢選任為樣行有日適予店作而伏即即內求予規做 尤力夫昏昏而使人昭昭孟氏所笑信卿志則美矣而 過夫子也然則信卿可不謂之優而能學者哉臺聞 而信 之日如切如磋如琢如磨瑟兮倜兮赫兮喧兮今信卿 金錫非不善也亦必磨確鎔範而後其器亦成故又頌 之箴已故詩人歌之曰如圭如璧如金如錫圭璧之與 獨求予規則誤矣昔者衛武公九十入相猶切切求 柳必欲自知其過夫喜聞過仲由也幸人之知己 ŀ 卷十 1

年方强仕小心篤志其造於衛武公之地不難世之仕 者計歲月以争品級早夜屈其指杂其願薰然於其心 又何眼省己分內事而信卿勤於公篇於學如此弗可 行也然則其可終無一言以贈之乎曰甘受和白受采 政予失而居吾上者顧奪之以去又惜乎無以止其此 及己惜乎予方病而無以答其善意也且方資信卿以 次足四車全馬一人 君子以虚受人 大德重刊元豐類豪序 . 雪樓茶 İ

南豐先生之故里本邑也異時邑於时民猶以汲汲告 進而郡馬汲汲可知已故長於斯者循簿書期會之文 金グモガノニー 斗齊黃令君而無於煅今復有矣欲余序其顛夫文之 先生之文天下之文也而於鄉校顧無之非無也有於 有裕之者矣不然夫子適衛之言獨非為政之大方乎 會未之有改也而能利先生之文於校官此其於民必 而無害已謂之能已足以獲乎下今郡猶故也簿書期 有無不繫於板板之有無不繫於序而惟民之有無實 øΩ

為州者誰乎東平丁君德謙也昔先生為齊州齊剔郡 繫於守令故子於文不待賛而賛為州者之能裕民馬 先生之文當觀先生之實此又讀元豐類豪所當知者 始余承之臺端郁文為據朝夕從事於簿書相識而未 也頑悍內盜之訟無虚日至未幾而郡中肅然然則觀 次定四年全等一人 相知者盖久追歸江右聞憲府照磨段君名聲籍甚既 大德八年歲在甲辰夏五廣平程某序 段郁文詩序 雪樓集

也切清介士少許可言蓋不妄余於是又知其學恨余 語因及當途學士大夫切清語余曰方今段郁文其 見則吾郁文也於是始知其政抵舍與舊友吳切清夜 金ケセトと言 棄去乃攜詩二帙過我高者不讓古人下亦不與無病 自出於羣何郁文之多耶今予謁告來西郁文已謝病 **蚤也泊客武昌聞湘部從事段君日與其長屬諤諤相** 方里居而郁文有公事不得接膝劇譚又恨余知之不 可否聲流東南問之又吾郁文也噫人有一異已類

為 陽也郁文其行乎然則子之知不知誠不足計耳姑識 求人知者固不以予為過然有文學政事如郁文而不 **絢也余讀之數過太息曰余識郁文年數不為不多對** 乎抑知人固未易也為之恨然移晷則又嘆曰郁文非 面不為不數至于今而后又知其工於詩人果未易知 屢知深知者又豈少哉郁文其行乎朝之公卿士之 而學呻吟者同調益寫心之辭正而真即物之作幽而 人所知者世豈少哉若郁文之文學政事而如予之 孫

次定四軍全馬 一

雪樓集

予嘅 金万日月 八十二 家譜足矣然仲堅以文學樣而選為邑官是責之以教 仲堅自建安郡博士調閩縣墨曹将之官子酌酒與別 相與言曰政教一事也以教為政上不怒而下不残不 其遠而則陽名家軌轍彈見冷聞欲求吏治之宜求之 知道者返此决裂疲曳不能相勝而上下之情既猶以 損於鞭朴為仁求詳於情偽為智嗟夫循吏之風不 送曹仲堅主閩縣簿序 卷十四

次色日草在号 志今仲堅昂然雞犀一舉足之間固有驚顧而改視者 敢情勞而若不敢怨仰瞻俯聽追立側趨惟戒令期會 能知問之便宜而不能對者亦滔滔也是故上之人或 之是從猶懼或失之若此者滔滔也然語之政體而不 吾志之不得遂也子曰不然今下之事上也謹而若不 為政甚審行矣勉之仲堅曰唯唯然吾之身一而己職 以奴隷畜之狗馬使之而猶且伸於眾人之上以遂其 又最下且繁被居吾上者若是衆也又若是尊也吾懼 雪樓集 支

志乎仲堅笑而不言其不言也謙而不敢居耶抑未能 初不必為前之滔滔又豈不先於後之滔滔者而遂其 遭時盛明車書萬里而身猶局局然守一陽殆将抱恨 告予曰曩者足目所及海之北江淮之南而止耳幸甚 王謙道弱冠遊四方行不報足今老矣而志不衰一日 信吾言也因書於方以為異日一笑之具 没齒明年將問津度淮由徐克歷青齊放覽趙魏之郊 送王謙道遠遊序

金月日月月

翹首神學一 乎不可也其将奈何予曰以君才器充朗且挟奇能又 東西緣古塞涉安西北庭東入陽關下隴坂訪泰漢之 次已日草在馬 物者雖無窮而終定也在君者無虧而益進也以益進 行無可聚之糧居無可託之友其将如何我志殆已矣 故迹或首商於或徑斜谷首商於則沿漢污徑斜谷則 下荆門歸而把酒骨肉族談亦足以樂此我之志也而 之以無心不忌故所至若歸者四十年有餘矣夫在 觀上國之光天不尼我又將出居庸望遼 雪樓集

金少口方人 東耳不棘其喉殆見所至必有傾益留連執袂繼緣使 欲遂者觀覽之志耳非有世好之競而斷斷之争也其 而待終定則無窮者乃在我而何志之不可遂哉且所 相宅既工其詩文又組織華妙言論土並亦足以悦可 何庸愿雖然人固未知謙道之志也君其升車吾當推 不得以乍來而徑過其未得巫遂所志者或以此耳他 送王敬甫都事歸省詩序 卷十

觀春暉而與吟望孙雲而延想人子之於其親也聽於 皆七十鶴髮相對該其心之於子亦猶子之念父母也 無聲視於無形易當一日而忘之哉王君敬甫把人也 次定四軍全書 身以安其親與其家以及天下後世乎為人父母者其 膝下確確怕怕為鄉曲之人乎抑將使之行其志昌其 於親側而無由然人之父母之愛其子也將使之晨昏 然故南方以材敏博通上下之所倚爱雖欲一日置身 而仕於熊身雖熊而夢無夕不把也益其父母家居年 1 雪楼集

必知所擇矣然則敬甫身雖然而實犯也庸何傷大德 矣哉敬甫之心數上堂起居內外交貨樂矣哉敬甫二 十年清明謁告歸祀且省其親春日遲遲花柳迎路樂 親之心數世無善畫孰能寫其形容學士承古静軒先 有養而貧弗得弗仕古之人恒言之今之人亦恒言之 生率同僚賦詩以錢之而俾廣平程某序之 故今甲曰八十者一 解安卿父八十賀章後序 子若孫侍所以通人情隆天經也

金罗巴瓦

次包里在 噫試數之誠然矣今渤海解君安卿都無仕而親年若 然當遡沿而觀之身貴而親存十一存而安禁十 义在者董董也於是彭消之學旁話曰尚弗信吾道耶 倘以為然當叶之宮商歲歲為老先生壽 乃稱彼兕觥出諸袖中而讀之又奚必春容要渺之金 石也耶既而為吾前曰有廣平程某之說若此其然敷 釣璜之隻是可賀已持吾中養翁之序以歸升堂再拜 送楊彦寬謝事東歸序 雪樓集 一九

某将指閩中彦寬來藏囚相從甚樂既别常思之繼聞 於政事堂遂得釋上下翕然譽之薦為威州判官會有 良民者有司信之閱六七年不決彦寬至而辨其偽言 聞辟大都警巡判官公產自立不苟不回有執偽券奴 黎丘楊彦寬健吏也父任入官以巡檢獲盜遷尉平原 古建行御史臺於雲南選為御史益展其能得隱盗金 又獲賊四十餘伍凡百五十餘人遷禹城主簿政聲流 穀以萬計歷户五百有奇孫王旌以錦衣遷江南行臺

金片巴尼人門

火三日目という 矣彦寬生平周行四方馬足所至幾百千萬里當紀所 我若彦寬者誠可謂播紳之羽儀學仕者之矩獲也已 餘裕彦寬有馬公卿大夫之子孫孰不仕禄有能治彦 寬之能其官者乎居則曰不吾知也如或知爾則何以 以自營可以止則止亦非為名高以自異進退綽乎有 彦寬讀書通古今天姿明介方雅可以仕則仕非苟禄 金衣之錫今年會於京師則曰吾老矣得謝東歸矣益 以亷訪僉事行弱部表表愈偉深稱厥官安西王復有 雪樵集

金只四月全書 駒在門母庸歸之聲猶寂寂也誰能永歌倡子和汝 歷山川風土為書表於所居之堂而榜曰心遠今者冥 憂飢寒膏梁顧家世自有不得不急者矣於不得不急 進身非士之急務也然幻學肚行之道浸以無實章布 其所以持身抗志與世周旋者余也又何足以知之驟 無言以抒吾思乎别酒既耐因述所知彦寬者如此至 鴻高舉於是心與身俱遠矣雖欲從之末由也已爲得 送蕭從周序 卷十

一僕之事畢矣仕乎曰俟有知己此非僕所得急也余為 禄英妙卓越又集於其子大德十年冬識於京師守之 陵蕭氏之望也早以英妙卓越見知諸達尊東平徐公 之中而乃有不屑屑馬者若則平氏之子是已則平廬 南問之則曰觀禮樂必之魯觀天下必升公宗觀止矣 平者成曰幸哉有子如此是誠可幸也已未幾别余而 子方知之尤者也故則平出為時用垂二十年不幸無 以粹温表之以端謹余知則平氏有不亡者存凡識則

大三日草在

雪樓集

金分世月台書 之喟然曰子方與余僚好甚深子方所知者子皆知之 中書謝據伯琰介特士也余嘗識之聞其敏而勤貧而 余聞匠石之入山林也自相代以至於拱把未始留視 猶棲運於逆旅子雖不屑屑馬余獨不愧子方子雖然 以子方知則平而則平名聞於時今子非不知子而子 有守其曹甚剔行不服正履坐不得安席轇轕終日而 馬何則俟之也今子歸其亦勉之乎人且有俟子者矣 謝伯琰親年八十詩引 1

所聞又覩此卷因欲堅其志以安其悦親之心且為凡 治之沛然獨以親年八十不獲就養為念每思貽親歡 書天下之則也人東是心從事其間顧不式哉余既嘉 問鄉黨莫不與馬然則欲貼親歡孰有加於此者且中 名必果以今所聞伯琰其貽令名者敷豈惟父母雖州 飲定四華全書 一人 仕者勉用書其端 而無繇余心嘉之古之述孝子之事者曰思貽父母令 送毛淵巨源知沔陽府序 雪樓集 幸

聚往往非有恒心之民智力稍異已足稱雄其間而漢 墓在馬故不能不致意於彼益當感數而思曰母乃山 南之俗非復百年之舊矣彼之紀梓之材羽毛齒革之 方城以南雲夢之籔也川澤阻奧地曠而人稀更散选 用凡地之所有國之所資者若未始不逮於古實則莫 以成之也邂逅彼之良守令其試以是問而告之今年 川之改而風氣之異耶抑化之未宣作之不與生而無 之能作也況所謂楚材晉用者乎家本野也高曾之墳

之君而君必未之或知也然則君其行乎化之宣否他 甚習今往而設張益必有甚愜者余又為彼之父老喜 秋自帝所還熊故人毛君相勞苦則知既受左符為竟 土也二十年有餘矣山川風氣之不改與否余雖欲問 誰余於是為之累喜且自喜將得所問馬然君之去彼 又沉君之敦惠開敏老於從政然則彼之良守非君其 也況方地干里有民有社非若向之有所從而弗得專 陵行有日矣殊為君喜君又當官漢南彼之民情吏治

大子りましたう

雪樓集

剖尺寸之符分方千里之地多者屬城數十少或半之 迎於數百步外老切扶搞夾道相與攀肩翹首如望神 朱輔皂盖四馬加縣雙在前引干騎所至長吏鞠躬将 侯與我何先也則二千石亦貴重矣然自非久直承明 中張髯直視意氣拂雲賞則賞刑則刑未知古六國諸 明皆以一見顔貌為慰當是時軒車高大使君匡坐其 日余将問之來自竟陵者 送喬達之守東平序

金好四庫全書

卷十四

美器足以承流宣化父母斯民西京以降益分益削至 及朝廷高選與郡國殊最當遷不得為也至未半歲或 **璽書勞問奏謀高者至入為三公故為之者大抵高材** 之文采風流高材美器亦不在古良二千石下而東平 問皆有易心而上下交病矣今則不然名城大邦通名 於近代名雖郡古一小縣耳官曰守一令長耳授受之 Caronal July 與古制合吾故人喬君達之由翰林學士出守東平達 曰路所統城邑毋慮數十牧守之任恒凝朝廷達官益 雪樓集

一 多 四 库 全 書 來安集之方今治體惟古之循吾見達之入而在槐棘 典章文物開習優甚所向船然而合耳郡國專民社之 詩書都多秀民其文者師友之野者父母之义從而勞 率不得直遂達之高明英邁固無所擇而或非所樂也 賀也或曰達之在朝廷久視官如家将公卿問如親戚 之間不難矣不得不為達之喜且為東平得良二千石 曰不然大丈夫之仕也豈為己哉達之必不其然王成 一點政之臧否民之休戚繁馬而郡又有所攝 

蓋聞學以離言説為宗心以了空相為鏡然尋宗請學 為前之增亦不為後之減也塵節在門僕夫整駕諸君 增户而得賜爵次公為相名減於治郡時吾知達之不 捨言無示學之方而即鏡觀心執相乃非心之體是以 得無言以贈之乎 如分江浸月一己為多縛金度軍萬猶云少良由根塵 五千四十八卷敷演未周十方三世諸尊究竟何在喻 宗鏡録詳節序

たこり巨とこう

Ī

雪樓集

挺并書 假因緣是故靖養剪裁古記披被須提正紐代木先削 有利鈍悟解有淺深翠竹黄花元非議擬亦髭白足亦 旁枝信手站來皆是隨身之鼓笛廻頭蹉過别無逕路 雪楼集卷十四 續被隔章述余讃歎云爾至大二年重九日翰林 深漠憑逐客書空且對凝兒說夢偉哉龍象幸其 上奉大夫知制語同修國史商議中書省事程其

銀月四月至書